



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ՎՃՌԱԲԵԿ ԴԱՏԱՐԱՆ

Ո Ր Ո Շ ՈՒ Մ

ՎԱՐՈՒՅԹԻ ԱՌԱՐԿԱՅԱԿԱՆ ԸՆԴԴԱՏՈՒԹՅԱՆ ՀԱՐՑԸ ԼՈՒԾԵԼՈՒ ՄԱՍԻՆ

3 հոկտեմբերի 2025 թվական

ք.Երևան

ՀՀ Վճռաբեկ դատարանի նախագահ Լիլիթ Թադևոսյանս, ՀՀ Վճռաբեկ դատարանի քրեական պալատի նախագահ Համլետ Ասատրյանս, ՀՀ Վճռաբեկ դատարանի հակակոռուպցիոն պալատի նախագահ Արթուր Դավթյանս, ուսումնասիրելով թիվ ԵԴՆ/3805/01/24 (ՀԿԴ/0250/01/25) քրեական վարույթի ընդդատության հարցը լուծելու համար ՀՀ Վճռաբեկ դատարան ուղարկելու մասին Հակակոռուպցիոն դատարանի՝ 2025 թվականի սեպտեմբերի 19-ի որոշումը,

Պ Ա Ր Զ Ե Ց Ի Ն Ք

Վարույթի դատավարական նախապատմությունը.

1. 2024 թվականի դեկտեմբերի 18-ին Երևան քաղաքի առաջին ատյանի ընդհանուր իրավասության քրեական դատարանում ստացվել է Վիգեն Ալեքսանդրի Սարգսյանի վերաբերյալ՝ 2003 թվականի ապրիլի 18-ին ընդունված ՀՀ քրեական օրենսգրքի (այսուհետ՝ ՀՀ քրեական օրենսգիրք) 190-րդ հոդվածի 3-րդ մասի 1-ին կետով թիվ 69136524 (ԵԴՆ/3805/01/24) քրեական վարույթը՝ հեռակա կարգով դատաքննություն իրականացնելու միջնորդությամբ:

1.1. Երևան քաղաքի առաջին ատյանի ընդհանուր իրավասության քրեական դատարանը (դատավոր Ս.Անդրեասյան) 2024 թվականի դեկտեմբերի 23-ին որոշում է կայացրել թիվ ԵԴ1/3805/01/24 քրեական վարույթը ստանձնելու և նախնական դատախոսներ նշանակելու մասին:

2025 թվականի հուլիսի 15-ին թիվ ԵԴ1/3805/01/24 քրեական վարույթը վերաբաշխվել է դատավոր Մ.Արամյանին:

1.2. Երևան քաղաքի առաջին ատյանի ընդհանուր իրավասության քրեական դատարանը 2025 թվականի հուլիսի 17-ին որոշում է կայացրել թիվ ԵԴ1/3805/01/24 քրեական վարույթը ստանձնելու և նախնական դատախոսներ նշանակելու մասին:

2. Երևան քաղաքի առաջին ատյանի ընդհանուր իրավասության քրեական դատարանը, 2025 թվականի սեպտեմբերի 9-ին՝ նախնական դատախոսների ընթացքում, որոշում է կայացրել թիվ ԵԴ1/3805/01/24 քրեական վարույթն ըստ առարկայական ընդդատության Հակակոռուպցիոն դատարան ուղարկելու մասին:

3. Հակակոռուպցիոն դատարանը (դատավոր Գ.Հովհաննիսյան) 2025 թվականի սեպտեմբերի 19-ին որոշում է կայացրել թիվ ՀԿԴ/0250/01/25 (ԵԴ1/3805/01/24) քրեական վարույթը Վճռաբեկ դատարան ուղարկելու մասին՝ ընդդատության հարցը լուծելու համար:

4. Քրեական վարույթը Վճռաբեկ դատարանում ստացվել է 2025 թվականի սեպտեմբերի 23-ին:

Ընդդատության հարցը լուծելու համար էական նշանակություն ունեցող փաստական հանգամանքները.

5. Վիզեն Սարգսյանի նկատմամբ ՀՀ քրեական օրենսգրքի 190-րդ հոդվածի 3-րդ մասի 1-ին կետով հանրային քրեական հետապնդում է հարուցվել հանրորեն վտանգավոր այն արարքի համար, որ *«(...) նա, հանդիսանալով պետական ծառայող, հանցավոր արարքների արդյունքում ստացել է օրինական եկամուրներով չհիմնավորված, ապօրինի՝ առանձնապես խոշոր չափերի՝ 99.414.079 ՀՀ դրամ գումար, ապա դրա հանցավոր ծագումը թաքցնելու և խեղաթյուրելու նպատակով նշված գումարը փոխարկել է անշարժ գույքերի՝ այդ կերպ օրինական տեսք*

հաղորդելով դրանց և կատարելով փողերի լվացում, որպիսի գործողությունները դրևորվել են հետևյալում:

Այսպես.

Վիգեն Սարգսյանը 1995-1998 թվականներին աշխատել է ՀՀ Ազգային ժողովում՝ որպես նախագահի օգնական, ապա խորհրդական, 1998-2000 թվականներին սովորել և ավարել է ԱՄՆ Մասաչուսեթս նահանգի «Մեդֆորդի Թավթա» և «Հարվարդի» համալսարանները, 2000-2003 թվականներին զորակոչվել է զինվորական ծառայության՝ որակավորվելով որպես պահեստագործի սպա, 2001-2011 թվականներին աշխատել է Հայաստանի ամերիկյան համալսարանում՝ որպես դասախոս, 2003-2009 թվականներին զբաղեցրել է ՀՀ նախագահի օգնականի, 2009-2011 թվականներին՝ ՀՀ նախագահի աշխատակազմի ղեկավարի տեղակալի, 2011 թվականի հոկտեմբերի 17-ից մինչև 2016 թվականի հոկտեմբերի 3-ը՝ ՀՀ նախագահի աշխատակազմի ղեկավարի պաշտոնները, իսկ 2016 թվականի հոկտեմբերի 3-ից մինչև 2018 թվականի մայիսի 11-ը պաշտոնավարել է ՀՀ պաշտպանության նախարարի պաշտոնում:

Վիգեն Սարգսյանը, 2006 թվականի դրությամբ զբաղեցնելով ՀՀ նախագահի օգնականի պաշտոնը, հանդիսանալով պետական ծառայող, մերիթի փոխհարաբերությունների մեջ է գտնվել Երևան քաղաքում բազմաբնակարան շենքերի կառուցապատում իրականացնող, «*****-*****» և «*****-*****» ՍՊ ընկերությունների սեփականատեր և տնօրեն ***** հետ: Նույն ժամանակահատվածում***** հետ համաձայնություն է ձեռք բերել՝ գույքի իրական արժեքից էապես տարբերվող ցածր արժեքի արտահայտմամբ բնակարան ձեռք բերելու հարցի շուրջ: Դրանից հետո՝ 2006 թվականի հոկտեմբերի 26-ին, Վիգեն Սարգսյանը ***** պատկանող «*****-*****» ՍՊ ընկերությունից 23.600.000 ՀՀ դրամ պայմանագրային արժեքով ձեռք է բերել 118 քմ մակերեսով ***** *-* ***** **-* բնակարանը, իսկ 2008 թվականի հոկտեմբերի 24-ին՝ 6.000.000 ՀՀ դրամ պայմանագրային արժեքով ձեռք է բերել ***** թիվ ** ավտոկայանատեղին:

Վիգեն Սարգսյանի և նրա կնոջ՝ ***** սրացած աշխատավարձի և դրան հավասարեցված վճարների, ինչպես նաև իրականացված ծախսերի ու

կատարված վճարումների հարաբերակցության արդյունքում 2013 թվականի ապրիլի 30-ի դրությամբ նրանց օրինական եկամուրների մնացորդը կազմել է 585.921 ՀՀ դրամ:

Նման պայմաններում Վիգեն Սարգսյանը, զբաղեցնելով ՀՀ նախագահի աշխատակազմի ղեկավարի պաշտոնը, 2013 թվականին նպատակադրվել է *****
***** փաստացի պարկանող՝ ***** ***** ***** ***** *_* ***** **

և **_* բնակարանները, ինչպես նաև **** ***** թիվ *** և ***
ավրոկայանալեղինները քաղաքացիաիրավական գործարքներով ձեռք բերելու
եղանակով օրինականացնել իր և կնոջ օրինական եկամուրներով չհիմնավորված,
հանցավոր ճանապարհով սրացված՝ առանձնապես խոշոր չափերի՝ 99.414.079 ՀՀ
դրամը: Հանցավոր մրադրությունն իրականացնելու համար Վիգեն Սարգսյանը,
նախնական համաձայնության գալով ***** ***** հետ, 2013 թվականի
ապրիլի 30-ին վերջինիս հետ կնքել է ***** ***** ***** ***** *_*_* *****

_* բնակարանը և *** ***** *** * ավրոկայանալեղին՝ ընդհանուր 160.000.000
ՀՀ դրամով նրան վաճառելու վերաբերյալ ձևական պայմանագրեր՝ այդ կերպ
գործարքի կնքման արդյունքում սրացած եկամուրների ձևով օրինական տեսք
տալով նշված գումարի մեջ ներառված, հանցավոր ճանապարհով սրացված՝
99.414.079 ՀՀ դրամին՝ թաքցնելով դրա ծագման աղբյուրը, իրական բնույթը,
տեղաշարժը, պարկանելիությունը, փոփոխման եղանակը՝ հանցավոր ծագում
ունեցող հիշյալ գումարը ձևական պայմանագրերի կնքման արդյունքում դնելով
օրինական քաղաքացիական շրջանառության մեջ: Նշված քաղաքացիաիրավական
գործարքների արդյունքում հանցավոր ճանապարհով սրացված՝ 99.414.079 ՀՀ
դրամն իբրև օրինական եկամուր օգտագործելով՝ Վիգեն Սարգսյանը նույն օրը
100.000.000 ՀՀ դրամ ընդհանուր արժեքով իր և կնոջ անվամբ ձեռք է բերել *****

***** փաստացի պարկանող, վերջինիս մերձավոր ազգականների
անվամբ հաշվառված՝ ***** ***** ***** ***** *_*_* ***** *** և ***_*
բնակարանները, ինչպես նաև նույն շենքի թիվ ** և *** ավրոկայանալեղինները,
որպիսի գործողություններով իր ունեցած հանցավոր ծագում ունեցող առանձնապես
խոշոր չափերով դրամական միջոցները փոխարկել է անշարժ գույքերի և թաքցրել
դրանց հանցավոր ծագումը:

Այնուհետև՝ 2018 թվականի մայիսի 17-ին, Վիգեն Սարգսյանը *****
 ***** հետ կնքել է առուվաճառքի ձևական բնույթ կրող նոր պայմանագրեր,
 որոնցով իբրև ընդհանուր 56.000.000 ՀՀ դրամ արժեքով հետ է գնել դեռևս 2013
 թվականի ապրիլի 30-ին 160.000.000 ՀՀ դրամով վաճառած՝ *****
 ***** **** ***** **_* ***** **_* բնակարանը և **** **** **
 ավերակայանարեղին:

Այսպիսով, սույն քրեական վարույթով ձեռք բերված ապացուցողական
 զանգվածով, այդ թվում՝ նաև ապացույցների համակցության համադրման և
 վերլուծության արդյունքում հաստատվել է, որ Վիգեն Սարգսյանը 1995-2018
 թվականների ընթացքում հանդիսանալով պետական ծառայող, հանցավոր
 արարքների արդյունքում սրացել է օրինական եկամուրներով չհիմնավորված՝
 ապօրինի առանձնապես խոշոր չափերի դրամական միջոցներ, ապա դրանք
 օրինական քաղաքացիական շրջանառության մեջ ներդնելու, այն է՝ անշարժ գույքեր
 ձեռք բերելու միջոցով փոխարկել, խեղաթյուրել, թաքցրել է դրանց հանցավոր
 ծագումը, տեղաշարժն ու պատկանելիությունը՝ այդ կերպ օրինական տեսք
 հաղորդելով դրանց, իսկ ***** ***** իր գործողություններով
 օժանդակել է նրան, որպեսզի խուսափի կարարած հանցանքի համար
 պարտախանարվությունից:

Այսպիսով, Վիգեն Սարգսյանը վերը նկարագրված եղանակով օրինականացրել
 (լվացել) է հանցավոր ճանապարհով սրացված՝ իր և կնոջ օրինական եկամուրներով
 չհիմնավորված առանձնապես խոշոր չափերով՝ ընդհանուր 99.414.079 ՀՀ դրամի
 գույքը (...):»¹:

6. Երևան քաղաքի առաջին ատյանի ընդհանուր իրավասության քրեական
 դատարանը 2025 թվականի սեպտեմբերի 9-ի որոշմամբ արձանագրել է հետևյալը.
 «(...) Դատարանը գտնում է, որ ընդդատության հարցը որոշելիս էական
 նշանակություն ունի մեղադրանքի փաստական նկարագիրը, քանի որ այն իր մեջ
 պետք է ներառի և դրանում պետք է արտացոլվեն մեղաագրվող արարքի բոլոր

¹ Տե՛ս քրեական վարույթ, հատոր 12, թերթեր 265-267:

հայրկանիշները, հանցակազմի փառերը, այն որակյալ դարձնող յուրաքանչյուր հանգամանքները:

(...)

Ըստ մեղադրանքի փաստական նկարագրության, առնվազն այս փուլում, առանց ապացույցների հետազոտման, հնարավոր չէ միանշանակ դատողություն անել այն մասին, որ թիվ ԵՂԴ/3805/01/24 քրեական գործով մեղադրյալ Վիգեն Սարգսյանը մեղսագրվող արարքը չի կատարել իշխանական կամ ծառայողական լիազորությունները կամ դրանցով պայմանավորված ազդեցությունն օգտագործելով (պաշտոնեական դիրքն օգտագործելով), քանի որ մեղադրանքի նկարագիրը հստակ նախատեսում է, որ մեղադրյալը ենթադրաբար կատարել է հանցանք հենց համապատասխան պաշտոնարար անձ լինելով և այդ հանգամանքը արտացոլվել է մեղադրանքի որոշման մեջ, ինչը չի կարող աննպաստակ լինել:

Արդյունքում մեղադրանքի ձևակերպման փաստական կազմի պարագայում առնվազն այս փուլում անկողմնակալ դիտորդի մոտ կարող է ձևավորվել ողջամիտ պարկերացում, որ վերջինիս վերագրված ենթադրյալ արարքը կատարվել է իշխանական կամ ծառայողական լիազորությունները կամ դրանցով պայմանավորված ազդեցությունն օգտագործելով, նշված հանգամանքի մասին վկայող նշում առկա է ինչպես քրեական հետապնդում հարուցելու մասին որոշման մեջ, այնպես էլ մեղադրական եզրակացությունում:

Նման պարագայում արդեն իսկ առաջադրված մեղադրանքի փաստական նկարագրության համեմատական վերլուծության պարագայում սրելովում է միանշանակ պարկեր, որ սույն ենթադրյալ հանցանքի կատարումը պայմանավորված է եղել այն հանգամանքով, որ մեղադրյալը հենց եղել է պետական ծառայող և այդ կարգավիճակով պայմանավորված ենթադրաբար սրացել է ենթադրաբար ապօրինի եկամուտ և իր կարգավիճակով պայմանավորված դրանք ենթադրաբար ապօրինի «լվացել» է:

(...)

Այսպիսով՝ վերոգրյալ եզրահանգումների պայմաններում հարկ է արձանագրել, որ մեղադրյալ Վիգեն Սարգսյանի մեղադրանքի որոշումից բխում է, որ նրան մեղսագրվում է կամ պաշտոնեական դիրքն օգտագործելով, իշխանական կամ

ծառայողական լիազորությունները կամ դրանցով պայմանավորված ազդեցությունն օգտագործելով ենթադրյալ արարքի կատարում:

Վերոնշյալ հանգամանքների առկայության պայմաններում սույն քրեական գործի քննությունը Երևան քաղաքի առաջին աստիճանի ընդհանուր իրավասության քրեական դատարանի վարույթում կարող է անկողմնակալ դիտորդի մոտ սրեղծել պարկեր՝ քրեական գործի սխալ ընդդատության, իսկ հետագայում այդ փաստի ամրապնդման և հաստատման դեպքում կարող է արձանագրվել, որ սույն քրեական գործը քննվել է ոչ օրինական դատարանի կողմից, ինչը հանգեցնելու է բացասական հետևանքների, քրեադատավարական նորմերի էական խախտման հիմքով դատական ակտի բեկանմանը:

Ամփոփելով վերոնշյալը՝ Դատարանը գրնում է, որ առնվազն այս փուլում գնահատման ենթակա հանգամանքների պարագայում սրեղծվում է պարկեր, որ թիվ ԵՊ1/3805/01/24 քրեական գործն ընդդատյա է ՀՀ հակակոռուպցիոն դատարանին (...)²:

7. Հակակոռուպցիոն դատարանի՝ 2025 թվականի սեպտեմբերի 19-ի որոշման համաձայն՝ «(...) Դատարանն արձանագրում է, որ՝

1) ներկայացված մեղադրանքի իրավական գնահատականի մասով՝

- մեղադրյալ Վիգեն Սարգսյանի նկատմամբ հանրային քրեական հետապնդում է հարուցվել 2003 թվականի ապրիլի 18-ին ընդունված ՀՀ քրեական օրենսգրքի 190-րդ հոդվածի 3-րդ մասի 1-ին կետով, որը համապատասխանում է 2022 թվականի հուլիսի 01-ից գործող ՀՀ քրեական օրենսգրքի 296-րդ հոդվածի 3-րդ մասի 3-րդ կետին, որը, համաձայն Հայաստանի Հանրապետության քրեական օրենսգրքի հավելված N 1-ի, չի համարվում կոռուպցիոն հանցանք.

2) ներկայացված մեղադրանքի փաստական հիմքի մասով՝

- Վիգեն Սարգսյանին ներկայացված մեղադրանքների փաստական հիմքի ուսումնասիրությամբ ակնհայտ է դառնում, որ ներկայացված մեղադրանքում գոյություն չունի որևէ ձևակերպում առ այն, որ մեղադրյալ Վիգեն Սարգսյանն իրեն մեղաազրվող ենթադրյալ հանցավոր արարքը կատարել է պաշտոնական դիրքն

² Տե՛ս քրեական վարույթ, հատոր 14, թերթեր 88-91:

օգտագործելով (...) և/կամ՝ իշխանական կամ ծառայողական լիազորությունները կամ դրանցով պայմանավորված ազդեցությունն օգտագործելով (...).

և գրնում է, որ թիվ ՀԿԴ/0250/01/25 (ԵԴ1/3805/01/24) քրեական վարույթը, ըստ մեղադրանքի

- Վիգեն Ալեքսանդրի Սարգսյանի՝ 2003 թվականի ապրիլի 18-ին ընդունված ՀՀ քրեական օրենսգրքի 190-րդ հոդվածի 3-րդ մասի 1-ին կետով, որը համապատասխանում է 2022 թվականի հուլիսի 01-ից գործող ՀՀ քրեական օրենսգրքի 296-րդ հոդվածի 3-րդ մասի 3-րդ կետին.

ընդդարյա է Երևան քաղաքի ընդհանուր իրավասության առաջին արյանի քրեական դատարանին:

Անդրադառնալով Երևան քաղաքի ընդհանուր իրավասության առաջին արյանի քրեական դատարանի (...) դիմարկումներին, որ (...) [դրանք ա]մենին էլ չեն վկայում այն մասին, որ անձն իրեն մեղասագրված ենթադրյալ հանցավոր արարքը կարարել է «պաշտոնական դիրքն օգտագործելով» (...) և/կամ՝ «իշխանական կամ ծառայողական լիազորությունները կամ դրանցով պայմանավորված ազդեցությունն օգտագործելով» (...) ճիշտ է, ներկայացված մեղադրանքի փաստական հիմքում առկա է այնպիսի ձևակերպում, ինչով պայմանավորված առաջին հայացքից կարող է ենթադրություն առաջանալ, որ անձը սրացել է օրինական եկամուրներով չհիմնավորված, ապօրինի՝ առանձնապես խոշոր չափերի՝ 99.414.079 ՀՀ դրամ գումար պաշտոնական դիրքն օգտագործելու եղանակով կարարված ապօրինի գործողությունների հետևանքով, սակայն նշվածի վերաբերյալ առկա չէ որևէ իրավական գնահատական և փաստական նկարագրություն, բացի այդ անձն օրինական եկամուրներով չհիմնավորված, ապօրինի՝ առանձնապես խոշոր չափերի՝ 99.414.079 ՀՀ դրամ գումար կարող է սրանալ թեև իր պաշտոնավարման ժամանակահատվածում, սակայն կարարված գործողությունները չհանդիսանան կոռուպցիոն բնույթի ենթադրյալ հանցագործություններ. Օրինակ՝ հափշտակություն առանց «պաշտոնական դիրքն օգտագործելով» կամ «իշխանական կամ ծառայողական լիազորությունները կամ դրանցով պայմանավորված ազդեցությունն օգտագործելով»:

Բացի այդ Դատարանն արձանագրում է նաև, որ անհիմն է նաև այն դիտարկումը, որ մեղադրյալը, լինելով պաշտոնապար անձ իր կարգավիճակով պայմանավորված կատարել է իրեն մեղաագրված ենթադրյալ հանցավոր արարքը, քանի որ, ինչպես նաև արդեն իսկ նշվել է, ներկայացված մեղադրանքի փաստական հիմքի մեջ նշվածը վկայող որևէ նկարագրություն առկա չէ, ավելին՝ համաձայն ներկայացված մեղադրանքի՝

«Վիզեն Սարգսյանը (...) մերերիմ փոխհարաբերությունների մեջ է գտնվել Երևան քաղաքում բազմաբնակարան շենքերի կառուցապատում իրականացնող, «Պրոգրես-Արմենիա» և «Լոկալ Դեվելոպմենթ» ՍՊ ընկերությունների սեփականատեր և տնօրեն ***** հետ».

ինչը վկայում է անձանց միջանձնական հարաբերությունների մասին, որը չի կարող գնահատվել «պաշտոնական դիրքն օգտագործելով» կամ «իշխանական կամ ծառայողական լիազորությունները կամ դրանցով պայմանավորված ազդեցությունն օգտագործելով» քրեական օրենսգրքով նախատեսված արարքի որակյալ հատկանիշ դարձնող գնահատականին և դասվել կոռուպցիոն բնույթի հանցագործությունների շարքին:

Ամփոփելով վերոգրյալը Դատարանն արձանագրում է, որ՝

1) առկա չէ «փողերի լվացման»-ը նախորդող կոռուպցիոն բնույթի որևէ ենթադրյալ հանցավոր արարքի կատարման վերաբերյալ իրավական գնահատական կամ փաստական հիմք.

2) ներկայացված մեղադրանքի փաստական նկարագրության մեջ առկա չէ պաշտոնական դիրքն օգտագործելու կամ իշխանական կամ ծառայողական լիազորությունները կամ դրանցով պայմանավորված ազդեցությունն օգտագործելու եղանակով արարքի կատարումը վկայակոչող որևէ ձևակերպում.

և գտնում է, որ թիվ ՀԿԴ/0250/01/25 (ԵԴ/3805/01/24) քրեական վարույթը՝ ըստ մեղադրանքի՝

- Վիզեն Ալեքսանդրի Սարգսյանի՝ 2003 թվականի ապրիլի 18-ին ընդունված ՀՀ քրեական օրենսգրքի 190-րդ հոդվածի 3-րդ մասի 1-ին կետով, որը համապատասխանում է 2022 թվականի հուլիսի 01-ից գործող ՀՀ քրեական օրենսգրքի 296-րդ հոդվածի 3-րդ մասի 3-րդ կետին. ընդդառյալ է Երևան քաղաքի

առաջին արյանի ընդհանուր իրավասության քրեական դատարանին, այսինքն առկա է ընդդատության մասին վեճ, որը լուծելու համար անհրաժեշտ է դիմել ՀՀ վճարեկ դատարանին (...)³:

Սույն որոշման հիմնավորումները և եզրահանգումը.

8. Սույն վարույթով բարձրացված իրավական հարցը հետևյալն է. հիմնավո՞ր է արդյոք Հակակոռուպցիոն դատարանի հետևությունն այն մասին, որ թիվ ԵԴ1/3805/01/24 (ՀԿԴ/0250/01/25) քրեական վարույթն ընդդատյա է Երևան քաղաքի առաջին ատյանի ընդհանուր իրավասության քրեական դատարանին:

9. ՀՀ Սահմանադրության 63-րդ հոդվածի 1-ին մասի համաձայն՝ «Յուրաքանչյուր ոք ունի անկախ և անաչառ դատարանի կողմից իր գործի արդարացի, հրապարակային և ողջամիտ ժամկետում քննության իրավունք»:

10. «Մարդու իրավունքների և հիմնարար ազատությունների պաշտպանության մասին» եվրոպական կոնվենցիայի 6-րդ հոդվածի 1-ին մասի համաձայն՝ «Յուրաքանչյուր ոք, (...) նրան ներկայացված ցանկացած քրեական մեղադրանքի առնչությամբ, ունի օրենքի հիման վրա սրեղծված անկախ ու անաչառ դատարանի կողմից ողջամիտ ժամկետում արդարացի և հրապարակային դատաքննության իրավունք»:

10.1. Մարդու իրավունքների եվրոպական դատարանը, «օրենքի հիման վրա սրեղծված դատարան» հասկացությունը մեկնաբանելիս նշել է. «Այն երկրներում, որտեղ օրենքը կողիֆիկացված է, դատական համակարգի կազմակերպումը չի կարող թողնվել դատական մարմինների հայեցողությանը, սակայն դա չի նշանակում, որ դատարաններն օժտված չեն համապարասիսան ազգային օրենսդրությունը մեկնաբանելու որոշակի ազատությամբ»⁴:

Միևնույն ժամանակ, դատական մատչելիության իրավունքի համատեքստում Մարդու իրավունքների եվրոպական դատարանը նշել է, որ. «Ներպետական դատական արյանները դատավարական կանոնները կիրառելիս պետք է ձեռնպահ

³ Տե՛ս քրեական վարույթ, հատոր 15, թերթեր 4-18:

⁴ Տե՛ս Մարդու իրավունքների եվրոպական դատարանի՝ *Gorgiladze v. Georgia* գործով 2009 թվականի հոկտեմբերի 20-ի վճիռը, գանգատ թիվ 4313/03, 69-րդ կետ:

մնան դրանց չափազանցված ձևականացումից, որն իր ազդեցությունը կունենա դատավարության արդարացիության վրա»⁵:

11. Վճռաբեկ դատարանն անձի՝ օրենքի հիման վրա ստեղծված դատարանի կողմից իր գործի քննության իրավունքի հիմնարար նշանակության վերաբերյալ իրավական դիրքորոշում է ձևավորել *Գևորգ Հարությունյանի* որոշմամբ⁶:

12. ՀՀ քրեական դատավարության օրենսգրքի 260-րդ հոդվածի 1-ին մասի համաձայն՝ «*Մարզերի առաջին արյանի ընդհանուր իրավասության և Երևան քաղաքի առաջին արյանի ընդհանուր իրավասության քրեական դատարաններին (այսուհետք՝ առաջին արյանի ընդհանուր իրավասության դատարան) ընդդարյա են առաջին արյանի կարգով իրականացվող բոլոր վարույթները, ինչպես նաև դատական երաշխիքների բոլոր վարույթները, բացառությամբ Հայաստանի Հանրապետության քրեական օրենսգրքի հավելված N 1-ով նախատեսված կոռուպցիոն հանցանքների վերաբերյալ, այդ թվում՝ դատական երաշխիքների վարույթների, որոնք ընդդարյա են հակակոռուպցիոն դատարանին*»:

ՀՀ քրեական դատավարության օրենսգրքի 263-րդ հոդվածի համաձայն՝ «1. Նախնական դատախոսների ընթացքում պարզելով, որ տվյալ վարույթն ընդդարյա չէ իրեն, դատարանն այն որոշմամբ անհապաղ փոխանցում է ըստ ընդդարյության:

(...)

5. Վարույթն ըստ ընդդարյության սրացած հակակոռուպցիոն կամ առաջին արյանի ընդհանուր իրավասության դատարանը մինչև նախնական դատախոսներ նշանակելը եռօրյա ժամկետում որոշում է կայացնում վարույթը Վճռաբեկ դատարան ուղարկելու մասին, եթե համաձայն չէ դրա առարկայական ընդդարյությանը:

(...)

8. Սույն հոդվածի 5-րդ մասով նախատեսված դեպքում Վճռաբեկ դատարանի նախագահը, Վճռաբեկ դատարանի քրեական և հակակոռուպցիոն պալատների նախագահները վարույթը Վճռաբեկ դատարանում սրանալու պահից տասնօրյա

⁵ Տե՛ս Մարդու իրավունքների եվրոպական դատարանի՝ *Walchli v. France* գործով 2007 թվականի հուլիսի 26-ի վճիռը, գանգատ թիվ 35787/03, 29-րդ կետ:

⁶ Տե՛ս Վճռաբեկ դատարանի՝ *Գևորգ Հարությունյանի* գործով 2011 թվականի հուլիսի 13-ի թիվ ԵԿԴ/0211/01/10 որոշումը, կետեր 15-16:

ժամկետում վերջնականապես լուծում են վարույթի առարկայական ընդդատության հարցը՝ ընդհանուր թվի ձայների մեծամասնությամբ ընդունված որոշմամբ: Զվեարկելիս ձեռնպահ մնալ չի թույլատրվում:

9. Սույն հոդվածով սահմանված կարգով որոշված դատարանը համարվում է իրավասու դատարան»:

13. Սույն վարույթի նյութերի ուսումնասիրությունից երևում է, որ՝

- Երևան քաղաքի առաջին ատյանի ընդհանուր իրավասության քրեական դատարանը, փաստելով, որ Վ.Սարգսյանին ներկայացված մեղադրանքի համաձայն՝ վերջինս ենթադրյալ հանցանքը կատարել է լինելով պաշտոնատար անձ, գտել է, որ նրան մեղսագրվում է «պաշտոնեական դիրքը» կամ «իշխանական կամ ծառայողական լիազորությունները կամ դրանցով պայմանավորված ազդեցությունն» օգտագործելով ենթադրյալ հանցանքի կատարում⁷:

- Հակակոռուպցիոն դատարանը, արձանագրելով, որ Վ.Սարգսյանին ներկայացված մեղադրանքի փաստական նկարագրության մեջ առկա չէ «պաշտոնեական դիրքը» կամ «իշխանական կամ ծառայողական լիազորությունները կամ դրանցով պայմանավորված ազդեցությունն» օգտագործելու եղանակով ենթադրյալ հանցանքի կատարումը վկայակոչող որևէ ձևակերպում, գտել է, որ սույն վարույթն ընդդատյա չէ Հակակոռուպցիոն դատարանին⁸:

14. Նախորդ կետում մեջբերված փաստական հանգամանքները գնահատելով սույն որոշմամբ վկայակոչված իրավադրույթների և արտահայտված իրավական դիրքորոշումների լույսի ներքո՝ պետք է փաստել, որ մեղադրյալ Վ.Սարգսյանին ներկայացված մեղադրանքի ձևակերպումից հետևում է, որ վերջինս 1995-2018 թվականների ընթացքում **հանդիսանալով պետական ծառայող** (գրադեցրել է ՀՀ Ազգային ժողովի նախագահի օգնականի, խորհրդականի, ՀՀ նախագահի օգնականի, ՀՀ նախագահի աշխատակազմի ղեկավարի տեղակալի, ՀՀ նախագահի աշխատակազմի ղեկավարի, ՀՀ պաշտպանության նախարարի պաշտոնները), ենթադրյալ հանցավոր արարքների արդյունքում ենթադրաբար ստացել է օրինական եկամուտներով չհիմնավորված՝ ապօրինի, առանձնապես խոշոր չափերի դրամական

⁷ Տե՛ս սույն որոշման 6-րդ կետը:

⁸ Տե՛ս սույն որոշման 7-րդ կետը:

միջոցներ, ապա դրանց հանցավոր ծագումը թաքցնելու և խեղաթյուրելու նպատակով, նշված դրամական միջոցները ենթադրաբար փոխարկել է անշարժ գույքերի՝ այդ կերպ օրինական տեսք հաղորդելով դրանց և կատարելով փողերի լվացում:

Նման պայմաններում, հաշվի առնելով, որ Վ.Սարգսյանը ենթադրյալ հանցանքները կատարելիս հանդիսացել է պաշտոնատար անձ, գտնում ենք, որ վերջինիս վերագրված ենթադրյալ հանցանքներն իրենց բնույթով կոռուպցիոն են, հետևաբար, առկա է սույն վարույթը Հակակոռուպցիոն դատարանին ընդդատյա լինելու հիմքը:

15. Վերոշարադրյալը հիմք է տալիս փաստելու, որ Հակակոռուպցիոն դատարանի հետևությունն այն մասին, որ թիվ ԵԴ1/3805/01/24 (ՀԿԴ/0250/01/25) քրեական վարույթն ընդդատյա է Երևան քաղաքի առաջին ատյանի ընդհանուր իրավասության քրեական դատարանին, հիմնավոր չէ:

16. Հետևաբար, գտնում ենք, որ թիվ ԵԴ1/3805/01/24 (ՀԿԴ/0250/01/25) քրեական վարույթն ընդդատյա է Հակակոռուպցիոն դատարանին:

Ղեկավարվելով ՀՀ քրեական դատավարության օրենսգրքի 263-րդ հոդվածի 8-րդ մասով՝

Ո Ր Ո Շ Ե Ց Ի Ն Ք

Վիզեն Ալեքսանդրի Սարգսյանի վերաբերյալ՝ 2003 թվականի ապրիլի 18-ին ընդունված ՀՀ քրեական օրենսգրքի 190-րդ հոդվածի 3-րդ մասի 1-ին կետով թիվ ԵԴ1/3805/01/24 (ՀԿԴ/0250/01/25) քրեական վարույթն ընդդատյա է Հակակոռուպցիոն դատարանին:

**ՀՀ ՎՃՌԱԲԵԿ ԴԱՏԱՐԱՆԻ
ՆԱԽԱԳԱՀ
ԼԻԼԻԹ ԹԱԴԵՎՈՍՅԱՆ**

**ՀՀ ՎՃՌԱԲԵԿ
ԴԱՏԱՐԱՆԻ ՔՐԵԱԿԱՆ
ՊԱԼԱՏԻ ՆԱԽԱԳԱՀ
ՀԱՄԼԵՏ ԱՍԱՏՐՅԱՆ**

**ՀՀ ՎՃՌԱԲԵԿ ԴԱՏԱՐԱՆԻ
ՀԱԿԱՆՈՌՈՒԳՑԻՈՆ ՊԱԼԱՏԻ
ՆԱԽԱԳԱՀ
ԱՐԹՈՒՐ ԴԱՎԹՅԱՆ**